

Uvod

Pod „riziko faktorima“ najčešće se podrazumjevaju stanja i okolnosti koje ugrožavaju dječiji tjelesni i mentalni razvoj. Obim, vrstu i težinu posljedica uticaja takvih faktora određuje broj, vrsta, intenzitet i dužina djelovanja, kao i period razvoja djeteta u trenutku izloženosti takvim stanjima i okolnostima.

Postoje dva glavna razloga profesionalnog nastojanja da se pronađu uzroci i drugih aspekata ometenosti psihičko i fizičkog razvoja djeteta.

Prvi je da se identifikacijom uzroka pravovremeno planiraju i preduzmu adekvatne mjere kako bi se postigli maksimalno mogući rezultati u razvoju psihomotornog i psihofizičkog aspekata ometenosti .

Drugi je, da se identifikacijom uzroka, može prevenirati nastanak ometenosti u planiranju sljedeće trudnoće i razvoja druge djece u porodici u kojoj je nastao problem ometenosti kao i drugim porodicama sa sličnim okolnostima.

Saznanjem o specifičnim uzrocima ometenosti može se djelovati na sprečavanje nastanka takvih okolnosti u sljedećim generacijama.